

BON DIA *Aruba*

Diabierna 18 di December 2015 www.bondia.com Email: noticia@bondia.com Tel: 582-7800 Fax: 582-7044 1,50 Florin

Un 'ayo' na Ivan Romano

Cu hopi tristesa e bishitantenan di tur diabierna na Djiespie's Place a tuma nota di fayecimento di Sr. Ivan Romano, integrante di e grupo musical Etty Toppenberg y su banda di amigonan cu ta toca tur diabierna na Djiespie's Place. Di parti di henter famia di Djiespie, cooperadonan y di Etty Toppenberg y su banda ta bisa Ivan danki pa e musica y te despues. Palabra di condolencia y forsa ta bay pa Ivan su famia y amigonan. Cu Ivan Romano sosega dushi den Reino di papa Dios. Hopi hende lo keda cu bunita recuerdo di Sr. Romano. Un persona trankilo cu a deleita pueblo di Aruba cu su musica. Pa respet pa fayecimento di Sr. Ivan Romano q.e.p.d. Djiespie Franken y famia y Etty Toppenberg y su banda ta participa cu lo no tin e custumbra fiesta riba caya di tur diabierna riba diabierna 18 december. Igualmente, ta invita tur amigonan di semper pa bin duna otro e bon deseonan pa Pasco riba diaranson, 23 di december cuminsando pa 6or atardi.

